

HOLIDAY ASSIGNMENT

CLASS 8 KISWAHILI



COMPLETE CLASS EIGHT HOME ASSIGNMENT



KISWAHILI DARASA LA 8

Tumia tashbihi mwafaka kujaza pengo.

Nilirauka alfajiri na mapema. Kulikuwa na baridi shadidi nayo maji yalikuwa baridi kama _____ (1). Ilibidi niyapashe moto ili angalau yawe vuguvugu niweze kuyaogea. Baada ya kukoga, nilipata staftahi iliyokuwa tamu mithili ya _____ (2) kisha nikang'oa nanga. Ingawa sikuwa na kazi wala bazi nilielekea mjini kujaribu bahati yangu kwani wahenga hakututia kiwi walipoamba, kwenda bure si kukaa bure. Mwenda bure huenda akaokota.

Tarikini nilikutana na mja mmoja mwenye mataaluma manne. Alikuwa mweusi kama _____ (3) na mwenye nguvu mithili ya _____ (4). Mara kwa ghafla, aliangua kicheko kama _____ (5) na kunishika mkono. Ni bayana kuwa kupiga meno mswaki lilikuwa neno geni kwake. Kinywa chake kilinuka kama _____ (6). Niliingiwa na kimuyemuye kama _____ (7) nao woga ukazidi ule wa _____ (8). Nilijaribu kupiga kamsa lakini ulimi uliniganda nikawa kama _____ (9).

Nilipiga dua kwa Mwenyezi Mungu huku nikizingatia ya wahenga kuwa muomba Mungu si mtovu. Waama, Mungu hamwachi binadamu wake kwani mwia mfupi baadaye, waja wawili waliwasili pale wakiendesha gari la kifahari. Mmoja alikuwa rijali aliyekuwa Mrefu mithili ya _____ (10) na mwenzake alikuwa mwanamke aliyekuwa ameumbwa akaumbika. Alikuwa mrembo kama _____ (11). Halikadhalika, alijipamba mithili ya _____ (12). Macho yake yalikuwa ya kikombe nayo midomo ilikuwa na wekundu wa ini. Haikuwa myekundu kama _____ (13).

Kumbe rijali yule alikuwa kachero! Alikuwa akilisaka jitu lile la miraba minne. Nalo jitu lilipomwona, liliniachilia na kutimua mbio kama _____ (14). Kachero yule hakuwa na jingine ila kulipiga risasi mguuni. Alilivisha vikuku na kuliweka garini huku likijitetea na kulia kama _____ (15).

Kulia na kujitetea hakukulisaidia. Yote yalikuwa bure bilashi. Lilipelekwa moja kwa moja hadi korokoroni huku likiwa na majuto ya _____ (16). Kweli wahenga hawakutupatia ulimi wa kulazia waliposema siku za mwizi ni arubaini na mpanda hila huvuna ufukara.

Tumia istiara mwafaka kujaza pengo.

(punda, kasuku, mchwa, mbwakoko, chiriku, paradiso, duma, wembe, chaza, mkono wazi)

Kijana Nia alikuwa _____ (1). Alikuwa na bidii kubwa katika masomo yake. Kutokana na hilo aliyaelewa masomo na kupasi mitihani yake. Wenzake walimwita _____ (2). Mbali na hayo alikuwa _____ (3). Alikuwa na mbio sana. Nyumbani kwao kulikuwa _____ (4). Watu wote wa familia waliishi kwa amani na upendo. Wazazi wake walikuwa _____ (5). Waliwasaidia watu wengi pale kijijini. Kwa bahati mbaya watu wengine waliosaidiwa hawakuwa na shukrani. Walijigeuza na kuwa _____ (6). Waliwalipa kwa mabaya. Ingawa Nia alijaliwa sana, alikuwa mnyenyekevu. Aliwaheshimu na kuwathamini wote. Aliwasaidia wenzake kwa hali na mali. Aliwashauri wenzake wawe na bidii. Kwa bahati mbaya baadhi ya wenzake walikuwa _____



_____ (7). Hawakupenda kusoma kwa bidi i. Badala ya kujitahidi walijigeuza kuwa _____
 _____ (8) pale kijijini. Hawakutulia. Kila wakati walikuwa wakizurura. Aidha waliyaiga mambo wasiyoyaelewa. Walikuwa _____ (9). Wengine hawakunyamaza darasani. Walikuwa _____ (10). Nia hakufa moyo. Aliendelea kuwasaidia hadi wakawajibika.

Tumia majibu mwafaka kukamilisha kifungu kifuatacho.

(maji na Mafuta, bure, reale kwa ya pili, jembe na mpini, mabonde na milima, joka la mdimu, maiti na jeneza, mtu na kivuli chake, ulimi na mate)

Baba yao alipokaribia kuipungia dunia mkono wa buriani, aliwaita wote wawili. Aliwaeleza umuhimu wa kusaidiana aushini. Ingawa vijana wale walilandana kama _____
 _____ (1) aliwakumbusha kuwa udugu si kusabihiana bali ni kusaidiana. Aliwahimiza wazidi kusahibiana au kupendana mithili ya _____
 _____ (2). Halikadhalika washirikiane kama _____
 _____ (3) katika shughuli zao na wakati wa huzuni wazidi kusaidiana kama _____ (4). Aliwaonya kuhusu hatari ya kutoelewana kama _____ (5) na badala yake akawashawishi kufuatana kama _____ (6).

Vilevile baba yao aliwaonya kuhusu hatari ya kuwa na inda na inadi kama _____
 _____ (7). Aliwataka kufanya kazi kama _____
 _____ (8) hadi wafanikiwe maishani mwao. Tangu siku hiyo vijana hao wametembea sana. Wamevuka _____
 _ (9) katika shughuli zao za kutafuta riziki kwani wanaelewa fika kuwa heri kwenda bure kuliko kukaa bure. Aliwahimiza ikiwezekana makao yao yakaribiane kama _____ (10).

Jaza pengo kwa kutumia tanakali mwafaka.

(rovurovu, ndi, chapuchapu, kwikwikwi, chopi, chubwi, chupuchupu, pukupuku, pipipi, tifu, tulii, bingiribingiri, pu, prrr, fofofu, katakata, pepepe, tiriri)

Gari hilo lilikuwa likiendeshwa kwa kasi mno. Mara mtu mmoja aliyekuwa mweusi _____
 _ (1) na alielewa _____ (2) alipepesuka na kuanguka _____
 _ (3) katikati ya baraste ile. Maskini mshika usukani alishika breki _____ (4)
 lakini yote yalikuwa bure bilashi. Mlevi yule aligongwa dafrao na kuangushwa mchangani _____ (5) kando ya barabara. Damu ilimtirika _____ (6) na punde si punde akawa amekufa _____ (7). Gari nalo lilibingirika _____ (8) na kuanguka mtoni _____ (9). Baadhi ya abiria waliponea _____ (10) ingawa walikuwa wameroa _____ (11). Wengi wao walidondokwa na machozi _____ (12) huku wengine wakilia _____ (13). Wasamaria wema walienda haraka _____ (14) kujaribu kuwaokoa. Baadhi ya majeruhi walikataa _____ (15) kupeleka hospitalini. Wengine walichukuliwa na kufungwa mikono _____ (16) hadi hospitalini. Baadhi yao walifungwa bendeji nyeupe _____ (17) na walitulia _____ (18) wakisubiri kurejea nyumbani.



UFAHAMU.....K.C.P.E 2003

Soma kifungu kifuatacho kisha ujibu maswali 31 mpake 40.

Bwana Limbuka alikuwa amekuziwa katika mazingira ya kazi nyingi. Wazazi wake waliamini kuwa, mtu akifunzwa kazi mapema, atakuwa mkakamavu maishani. Kwake Limbuka alichukulia kinyume. Kimoyomoyo, alijiapia kuwa akipata kazi na aoe, kisha apate Watoto, hatawasumbua. Alitia bidii shuleni na akapita mitihani yake ya viwango vya juu. Baadaye, akabahatika kama mtende, akavuka mabonde na milima hadi huko Ughaibuni kuongezea masomo.

Akiwa bado ana ile dukuduku lake la hapo awali, aliangazia familia za huko na kuvutiwa. Akadhibitisha kuwa makuzi ya kikwao ni ya kishamba. Akasahau kuwa, kisomo cha kijadi alichopewa na wazazi kilikuwa ndicho chanzo cha ufanisi wake.

Baada ya miaka si haba alirudi kwao, akaoa na kujaliwa Watoto wawili. Alimwapia mkewe kuwa, yeye hatathubutu kushikilia makuzi ya kizamani. Hakujua kuwa mwacha mila ni mtumwa. Hapo basi wakawalea Watoto kama mayai. Watoto walipoguswa kidogo, walishtakia hali kwa wavyele wao, nao waliwabwekea “wachokozi” kwa hasira. Watu wakabakia macho tu! Wakamngojea “msema kweli wa Maisha”. Watoto wakaziota pembe za kinyati. Kwa kukosa kazi yoyote, waliigiza lolote lile waliloliona katika runinga. Waliropokwa ovyo popote pale bila ya tahayuri yoyote. Walipokua kidogo walianza kunywa pombe, kuvuta sigara na kutumia dawa za kulevya.

Vituko vilipozidi na kuvuka mipaka, walianza kuwadharau na kuwaaibisha wageni maskini waliowatembelea huko kwao. Waliowahi kufika kwao kwa vigari vya supana mikononi walichekwa. Hawa Watoto walishangaa walipoona watu wakipanda “matatu” au “mabasi”. Walipokwenda kuchukuliwa shuleni kwa gari walilolipuuza, walijificha na kusema, hilo ni gari la sokoni, halitufai. Walipoingia kwenye maduka, walichagua bidhaa za bei ghali. Bwana Limbuka na mkewe walikidhi matakwa ya Watoto wao wakidhani kuwa huko ndiko kupenda. Walisahau kuwa kuna leo na kesho. Wakasikika wakisema, “Watoto safi sana hawa. Ni jasiri na werevu. Hawana undani wowote”. Hakukumbuka kuwa kuna yale yanayofaa kusemwa na kuna yale ya kumezea. Maneno mengine huchoma watu nyoyoni.

Watoto wa Limbuka walizidi kudidimia kisimani. Shule nayo ikawapiga chenga. Wakashindwa mitihani yao ya kidato cha nne. Katika hali ya kuokoa jahazi lililikuwa likizama, wazazi wakawapa mitaji ya kuanzisha biashara. Baada ya muda mfupi mambo yalivurugika. Mali yote ikafujwa kwa kasi kwani buyu la asali halichovwi mara moja. Mwishowe ukata uliwanyemelea wakawa maskini hohehahe wasioweza hata kuwasaidia wazazi wao wazee. Walibaki kuwayawaya mitaani na kuzubaliwa na walimwengu. Limbuka na mkewe nao walijifunza kuwa mtoto hakuzwi kwa kubwagiwa mapesa na kuengwaengwa. Anafaa kufunzwa jinsi ya kuukubali ulimwengu bila ya kutegemea nundu za wazazi. Mtegemea cha ndugu hufa maskini.

31. Wazazi wa Limbuka

- a) Waliuwahi udongo ungali maji
- b) Hawakujali maslahi ya mwana wao
- c) Walimpa Limpuka fursa ya kujiamulia
- d) Walikuwa watesi na wasumbufu

32. Limbuka alianza kuwa na mtazamo tofauti na makuzi yake.

- a) Wakati alioa
- b) Alipopata Watoto
- c) Alipokuwa akiongezea masomo
- d) Akiwa nyumbani kwa wazazi wake

33. Maana ya “kwake Limbuka alichukulia kinyume” ni kusema?

- a) Kufunzwa kazi mapema kunasaidia mtu na familia yake
- b) Kufunzwa kazi nyingi ni msingi wa bidii maishani
- c) Kufunzwa kazi mapema hakuleti faida yoyote maishani
- d) Kufunzwa kazi mapema ni kinyume cha sheria



34. Ni mambo gani yanayoonyesha kuwa Limbuka ni mwacha mila?
- Kutopenda kazi nyingi, kwenda Ng'ambo na kuvutiwa na makuzi ya kigeni
 - Kuvutiwa na familia za Ng'ambo, kupuuza makuzi ya jadi na kuwaonea Watoto fahari hata wakiropokwa
 - Kutowakaripia Watoto, kuwanunulia bidhaa ghali na kuwaonea fahari
 - Kuwaonea watoto fahari hata wakiropokwa, kuwapa mitaji na kupuuza malezi ya jadi
35. Ni zipi kati ya hizi hazikuwa tabia za Watoto wa Limbuka?
- Kuwaauuni wazazi na kutia bidi shuleni
 - Kulewa na kudharau watu
 - Kuvuta sigara, kuropokwa na kupenda makuu
 - Kuiga, kutojali hisia za watu na kuwaabisha
36. Walipokwenda kuchukuliwa shuleni kwa gari walilopuuza, walijificha na kusema, " hilo ni gari la sokoni, halitufai". Hali hii inamaanisha kuwa?
- Wenzao shuleni walikuwa na magari bora Zaidi
 - Hawakupenda kwenda sokoni kwa gari lisilofaa
 - Hawakupenda vigari vya supana mikononi
 - Nyumbani kulikuwa na gari bora kuliko hilo
37. "Mchelea mwana kulia, hulia mwenyewe". Limbuka na mkewe walilia kwa:
- Kuwapatia Watoto wao mitaji na mali
 - Kutolinda Watoto wao wakati wakiwa wazee
 - Kukosa mtu wa kuwasaidia wakiwa wazee
 - Kusumbuliwa na ukosefu wa mali nyingi
38. Maana ya kuukabili ulimwengu bila ya kutegemea nundu ni?
- Mtu kuweza kujikimu bila ya kutarajia misaada
 - Kuuingilia ulimwengu kwa kushauriwa na wazazi
 - Kuuingilia ulimwengu bila kujali matokeo
 - Mtu kupambana na Maisha kwa kutegemea wengine
39. Msimamo wa mwandishi ni kuwa?
- Makuzi ya kigeni ni bora kuliko ya kijadi
 - Watoto wakilelewa bila kufunzwa maadili hupotoka
 - Watoto wakipata elimu ya juu huharibika
 - Watoto wanapopotoka wapewe mitaji na mali
40. Ughaibuni ni?
- Nchi za uzunguni
 - Nchi za masomo ya juu
 - Nchi zilizoendelea
 - Nchi za mbali

Soma kifungu hiki kisha ujibu maswali 41-50

Masikio ni sehemu muhimu sana ya mwili. Viumbe wengi wamepewa masikio mawili ya kunasia habari. Masikio hutakiwa kusafishwa vizuri wakati wowote mtu anapooga au kunawa. Nta za masikioni hufaa kuondolewa kwa uangalifu. Baadhi ya watu huyaharibu masikio kwa kuyachokorachokora kwa njiti wa viberiti. Badala ya kuutoa uchafu huo vizuri, wanaukandamizia ndani ya sikio. Je, umewahi kufikiria jinsi kidubwasha kilichotokomezwa na kudidimia sikioni, kinavyoweza kugusana na viungo vingine na kusababisha taabu kubwa? Idhihirike kuwa, kuingiza vijidude kama hivyo masikioni kutasababisha kuziba kwa masikio. Kuzibuliwa kwa masikio hayo huweza kugeuka kuwa ngoma goya na kusababisha uziwi. Uziwi wa kujitakia ni kama mtu kujipalia makaa.



Baadhi ya masikio huharibiwa na sauti kubwa kama ya muziki. Redio na televisheni zinafaa kufunguliwa sauti za wastani. Sauti kubwa za kushtua moyo hazidhuru tu masikio, bali huweza kuleta maafa kwa wale wagonjwa wenye maradhi ya moyo. Ni vyema kuyajali maslahi ya wenzetu. Baadhi ya vijana huonea fahari hali hiyo ya kupandisha sana sauti za redio majumbani au kwenye “matatu”. Tabia hiyo hukera na huwadhuru hata wahasika wenyewe bila kujua. Isitoshe, hali hii huweza kuleta uhasama kwa majirani. Uangushaji wa vyombo kama sahani na vyuma sakafuni pia huathiri. Kelele zinazofanywa darasani au mikutanoni nazo hazifai. Kulitesatesa sikio kwa kulitogatoga kila mahali pia huleta maumivu. Kutumia herini zenye madini hafifu yasiyopatana na Ngozi ya mtu binafsi huleta usumbufu mkubwa. Wakati nywele zinapooshwa na kemikali kuachwa kuingia masikioni, huwa ni hatari. Kadhalika, Watoto wadogo wanapocheza huweza kujiingiza nafaka masikioni au kujidunga kwa vitu vyenye ncha kali. Uvutaji wa masikio kama adhabu ni tabia isiyofaa kwani huhasiri masikio.

Ni vyema mtu akiwa na shida amuone daktari ama sivyo madhara makubwa yatazuka. Wakati masikio yanapoanza kutoa usaha yatibiwe mara moja. Kutokwa kwa usaha ni dalili ya kuwa ni kidonda kisichofaa kutafutiwa dawa za kiholela. Wataalamu wa masikio ndio tu wanaofaa kuhusishwa na matibau yao.

41. Masikio ni sehemu ya? _____
 - a) Kiwiliwili
 - b) Ndewe
 - c) Kichwa
 - d) Shavu
42. Uchafu hukandamizwa masikioni kwa? _____
 - a) Kutotolewa kwa njia isiyofaa
 - b) Kuziba kwa masikio
 - c) Kuingiza vitu visivyofaa
 - d) Kuwa na kidonda sikioni
43. Ni hali gani inayofanya watu kuchokorachokora masikio?
 - a) Yanapouma
 - b) Yanapotoa usaha
 - c) Yanapovimba
 - d) Yanapowasha
44. Sauti kubwa za kushtua
 - a) Zinasababisha ugonjwa wa moyo
 - b) Zinaweza kudhuru wagonjwa wa moyo
 - c) Hazitolewi palipo na wagonjwa wa moyo
 - d) Zinadhuru tu wagonjwa wa moyo
45. Ni mambo gani yanayofaa kuepukwa majumbani ili kuzuia watu wasiharibike masikio?
 - a) Kupandisha sauti kwenye matatu na kuingiza vitu masikioni
 - b) Kutoga masikio, kuweka kemikali na kumwona daktari
 - c) Kuangusha vyombo, kupiga kelele na kuvuta masikio
 - d) Kuongeza sauti, kutotoga masikio na kutovuta masikio
46. Kwa nini tabia ya kupandisha sauti za redio majumbani huweza kuleta uhasama kwa majirani? _____
 - a) Majirani huenda hawapendi kupigiwa kelele
 - b) Kwa sababu majirani hawana redio zao
 - c) Majirani wana ugonjwa wa masikio na moyo
 - d) Ni kawaida ya majirani kupenda uhasama
47. Maana ya kidonda kisichofaa kutafutiwa dawa za kiholela ni?
 - a) Kidonda kinachohitaji dawa za kiasili
 - b) Kidonda kisichoweza kupona kamwe



- c) Kidonda kinachohitaji matibabu ya haraka Zaidi
 - d) Kidonda kinachohitaji matibabu yenye uangalifu Zaidi
48. Kujipalia makaa ni? _____
- a) Kujisababishia jambo
 - b) Kujiletea madhara
 - c) Kujiwekea makaa
 - d) Kujiletea jambo
49. Chagua methali mwafaka inayoweza kutumika kueleza kifungu hiki.
- a) Kipendacho moyo ni dawa
 - b) Heri kufa jicho kuliko kufa moyo
 - c) Usipoziba hufa utajenga ukuta
 - d) Sikio la kufa halisikii dawa
50. Fundisho la habari hii ni?
- a) Kutunza masikio
 - b) Kumwona daktari
 - c) Kutocheza na vitu masikioni
 - d) Kutopandisha sauti za redio